



Broj: 11-38-30530/19  
Sarajevo, 14.8. 2019. godine

Na osnovu Zaključka Vlade Kantona Sarajevo, broj: 02-05-30425-2/19 od 8.8. 2019. godine, a u vezi sa čl. 3. i 7. Zakona o predškolskom odgoju i obrazovanju („Službene novine Kantona Sarajevo“, broj 26/08) ministrica za obrazovanje, nauku i mlade Kantona Sarajevo objavljuje

**JAVNI POZIV**  
**za prijavu privatnih predškolskih ustanova za prijem djece sa Liste čekanja Javne ustanove „Djeca Sarajevo“, broj: 02-01-574 od 12.7.2019. godine**

**Predmet javnog poziva** je prijava privatnih predškolskih ustanova za prijem djece sa Liste čekanja Javne ustanove „Djeca Sarajevo“, broj: 02-01-574 od 12.7.2019. godine.

**Pravo prijave na javni poziv** imaju predškolske ustanove koje ispunjavaju uvjete za rad u skladu sa Zakonom o predškolskom odgoju i obrazovanju („Službene novine Kantona Sarajevo“, broj 26/08) i Pravilnikom o utvrđivanju uvjeta za osnivanje, sadržaju i načinu vođenja Registra predškolskih ustanova („Službene novine Kantona Sarajevo“, broj 22/16), a upisane su u Registar predškolskih ustanova Ministarstva za obrazovanje, nauku i mlade Kantona Sarajevo.

Predškolske ustanove koje se prijave za prijem djece po ovom javnom pozivu moraju da ispunjavaju sljedeće kriterije:

- da ispunjavaju uvjete za rad predškolskih ustanova propisane Zakonom o predškolskom odgoju i obrazovanju i Pravilnikom o utvrđivanju uvjeta za osnivanje, sadržaju i načinu vođenja Registra predškolskih ustanova;
- da su upisane u Registar predškolskih ustanova koje vodi Ministarstvo za obrazovanje, nauku i mlade Kantona Sarajevo
- da su upisane u sudski registar.

**Potrebna dokumentacija**

Predškolske ustanove koje apliciraju na Javni poziv obavezne su dostaviti sljedeću dokumentaciju:

1. popunjen prijavni obrazac;
2. kopiju rješenja o ispunjavanju uvjeta za rad Ministarstva za obrazovanje, nauku i mlade Kantona Sarajevo;
3. kopiju rješenja o upisu u Registar Ministarstva za obrazovanje, nauku i mlade Kantona Sarajevo;
4. kopija rješenja o upisu u sudski registar.

Prijava na Javni poziv obavezno se podnosi u formi popunjenog prijavnog obrasca koji se može preuzeti sa web stranice Ministarstva [www.mon.ks.gov.ba](http://www.mon.ks.gov.ba) ili na Protokolu Kantona Sarajevo. Prijave koje ne budu podnesene u formi propisanog prijavnog obrasca smatrat će se neurednim i neće biti razmatrane. Prijavni obrazac potpisuje i ovjerava pečatom predškolske ustanove lice ovlašteno za zastupanje i predstavljanje predškolske ustanove u pravnom prometu.

Prijava na Javni poziv sa naprijed traženom dokumentacijom podnosi se u zatvorenoj koverti sa naznakom „NE OTVARAJ - Prijava na Javni poziv za izbor/prijavu predškolskih ustanova za prijem djece sa Liste čekanja Javne ustanove „Djeca Sarajevo“ na adresu


Ul. Reisa Džemaludina Čauševića br. 1 71 000 Sarajevo *sa naznakom podatka o aplikantu (naziv i adresa)*

Rok za predaju prijava na Javni poziv je 5 dana od dana objave u dnevnom listu „Oslobođenje“ i web stranici Ministarstva za obrazovanje, nauku i mlade Kantona Sarajevo.

Neblagovremene, nepotpune i neuredne prijave neće biti razmatrane.

Pregled, odnosno razmatranje pristiglih prijava na Javni poziv izvršit će Komisija koju imenuje ministrica za obrazovanje, nauku i mlade Kantona Sarajevo koja će, nakon toga, običi predškolske ustanove radi reverifikacije uvjeta rada. Sa predškolskim ustanovama koje budu ispunjavale uvjete propisane Zakonom, Pravilnikom i ovim javnim pozivom, Ministarstvo za obrazovanje, nauku i mlade Kantona Sarajevo će potpisati ugovore o sufinansiranju boravka djece sa Liste čekanja Javne ustanove „Djeca Sarajeva“.

**Kontakt informacije: 033/562-127**



**web:** <http://www.mon.ks.gov.ba>  
**e-mail:** [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

